



Province of the  
**EASTERN CAPE**  
EDUCATION

**NATIONAL  
SENIOR CERTIFICATE**

**IBANGA 11**

**NOVEMBA 2015**

**ISIXHOSA ULWIMI LOKUQALA  
OLONGEZELELWEYO P3  
IMEMORANDAM**

**AMANQAKU: 100**

---

Le memorandam inamaphepha ali-11.

---

**ICANDELO A: IZINCOKO****UMBUZO 1**

Kweli Candelo umviwa ukhetha isincoko sibe SINYE, ukuba ukhethe zazibini makisha esokuqala.

QAPHELA: Umviwa angabhala naluphi udidi lwesincoko ngesihloko asikhethileyo.

Khetha isihloko sibe siNYE kwezi zilandelayo. Bhala amagama ali-230-260. Apho ungasinikwanga khona isihloko sinike. Khumbula ukuyila.

1.1 Indlela endilibona ngayo ikamva loMzantsi Afrika.

Isincoko esibalisayo/esichazayo/esixoxayo/esixoxela amacala omabini/esicamngcayo.

- Umviwa angatshayelela ngendlela awubona ngayo uMzantsi Afrika ngoku.
- Angabalula ukuba uwubona usiya phambili okanye ubuya umva.
- Angachaphazela izinto ezifana nezepolitiki, ezoqoqosho, imfundo, inkolo njalo-njalo.

[Naziphi izimvo ezisemxholweni ziya kwamkeleka.]

**[50]**

1.2 Iingcinga.

Isincoko esibalisayo/esichazayo/esixoxayo/esixoxela amacala omabini/esicamngcayo.

- Umviwa angachaza iingcinga, unobangela, nesiphumo sazo.
- Angabalula indlela ubomi ukuzalana kobomi neengcinga.

[Naziphi izimvo ezisemxholweni ziya kwamkeleka.]

**[50]**

1.3 Ingaba kulungile na ukuba abaqhubi baqhube besebenzisa iiselula-fowuni?

Isincoko esibalisayo/esichazayo/esixoxayo/esixoxela amacala omabini/esicamngcayo.

- Umviwa angabalula iingxaki eziza nokusetyenziswa kweeselula ngabaqhubi ngexesha beqhuba.
- Angabhala nangezizathu ezibangela ukuba abaqhubi basebenzise iiselula beqhuba; Umzekelo: Ukungabi naxesha kuba umntu enezinto ezininzi ekufaneleke ukuba azenze.
- Angacebisa ukuba kusetyenziswe izixhobo zokuthetha kwiselula ungayibambanga ngasandla ngeli xa uqhube.

[Naziphi izimvo ezisemxholweni ziya kwamkeleka.]

**[50]**

## 1.4 Izinto esinokuzenza ukuze sizithembe.

Isincoko esibalisayo/esichazayo/esixoxayo/esixoxela amacala omabini/esicamngcayo.

- Inxaso yasekhaya.
- Ukukhetha abahlobo.
- Iincwadi onokuzifunda.
- Ukuphulaphula izinto ezakhaya ungazamkeli ezingakhiyo njalo-njalo.

[Naziphi izimvo ezisemxholweni ziya kwamkeleka.]

[50]

## 1.5 Kuthi ukuze kulunge ubuhle buhambe nengqondo.

Isincoko esibalisayo/esichazayo/esixoxayo/esixoxela amacala omabini/esicamngcayo.

- Umviwa angabhala ngobuhle obuhamba bodwa neengozi ezinokubangelwa yilo nto. Umzekelo; ukungakhathaleli imfundo, ukuthatha iindlela ezimfutshane xa ufuna izinto usebenzisa ubuhle.
- Angabhala abalule impumelelo emntwini yobuhle obuhamba nokusetyenziswa kwengqondo.

[Naziphi izimvo ezisemxholweni ziya kwamkeleka.]

[50]

## 1.6 Ukuba iimini ezimnandi bezifakwa epokothweni ngendiyikhupha ngoku loo mini endingenakuyilibala.

Isincoko esibalisayo/esichazayo/esixoxayo/esixoxela amacala omabini/esicamngcayo.

- Umviwa angaqhabalaka ngaloo mini yamonwabisa kunene.
- Axele nezizathu ezibangela ukuba iqaqambe kangaka loo mini.

[Naziphi izimvo ezisemxholweni ziya kwamkeleka.]

[50]

## 1.7 Funda le mifanekiso ingezantsi ubhale isincoko ngalowo uwukhethileyo. Sinike isihloko isincoko eso.

1.7.1 Isincoko esibalisayo/esichazayo/esixoxayo/esixoxela amacala omabini/esicamngcayo.

- Umfundi unokubonisa ukukwazi ukucinga.
- Unokudibanisa umfanekiso namava akhe okanye ulwazi analo oluthile.
- Ukhokhelwa ngumfanekiso ukuxhokonxa iingcinga.
- Angabhala ngemililo yamadlelo, nge*global warming*, njalo-njalo.
- Makanike isihloko sesincoko.

[Naziphi izimvo ezisemxholweni ziya kwamkeleka.]

[50]

1.7.2 Isincoko esibalisayo/esichazayo/esixoxayo/esixoxela amacala omabini/esicamngcayo.

- Umfundi unokubonisa ukukwazi ukucinga.
- Unokudibanisa umfanekiso namava akhe okanye ulwazi analo oluthile.
- Ukhokhelwa ngumfanekiso ukuxhokonxa iingcinga.
- Angabhala ngobomi abufanise nendlela umntu ayihamba ngemoto. Iimpawu zendlela zifana nemithetho efanele ukuthotyelwa ngumntu ebomini. Njalo-njalo.
- Makanike isihloko sesincoko.

[Naziphi izimvo ezisemxholweni ziya kwamkeleka.]

[50]

**AMANQAKU ECANDELO A: 50**

**ICANDELO B: UMHLATHI OMDE****UMBUZO 2****2.1 ILETA YOBUHLOBO**

Bhala ileta uyibhalele umhlobo wakho ofumene iinkcukacha zakhe kufacebook. Lo mhlobo wamgqibela ukumbona ngexesha nanifunda kwisikolo samabanga asezantsi/aphantsi.

- Ifomathi echanekileyo.
- Isibuliso.
- Intshayelelo, isiqu nesiphelo.
- Irejista nethoni eyamkelekileyo.
- Angabonisa indlela avuye ngayo akufumana iinkcukacha zomhlobo wakhe *kufacebook*. Abhale ngeenkumbulo zakhe nomhlobo lowo ngexesha befunda kunye,amazise nangobomi bakhe ukusukela ngethuba besahlukana kude kube ngoku.
- Isiphelo

**[30]****2.2 IOBHITSHUWARI**

Bhala iobhitshuwari yommelwane wakho othe wanishiya.

- Umfundi makazise ngembali yomntu oswelekileyo.
- Mayibe nemiba ngomntu lowo ungasekhoyo.
- Mayiveze umhla wokuzalwa nomnombo wakhe ngokufutshane.
- Amagqabantshintshi ngemfundo apho kukho imfuneko.
- Umsebenzi kamfi, iindawo axelenge kuzo nesikhundla sakhe kwindawo nganye.
- Igalelo lakhe entlalweni nezinto ebenomdla kuzo esaphila.
- Usuku lokubhubha maluchazwe kungangenwa kunobangela.

**[30]****2.3 INGXOXO**

Bhala ingxoxo ephakathi kwabahlali ababini bexoxa ngendlela emakunxitywe ngayo ngamalungu ePalamente.

- Intshayelelo ebonisa indawo nenjongo yengxoxo.(Umhlathana ongephi.)
- Ifomathi yengxoxo echanekileyo.
- Abahlali banikwe amagama.
- Kushiywe umgca emva kwentetho yomntu ngamnye.
- Irejista nethoni zithathelwe ingqalelo.
- Kuqukunjelwe ngendlela efanelekileyo.
- Isiphelo – isishwankathelo neengcebiso.

**[30]**

## 2.4 IMEMORANDAM

Bhala iMemorandam eya kwinqununu yesikolo sakho malunga neziphumo zentlanganiso ebe niyibambile ningabafundi ebingomba wokutshintshwa kwezinto ezithile kwimpahla yesikolo senu(iyunifom).

- Ifomathi echanekileyo.
- Irejista nethoni maziqwalaselwe.
- Kungqalwe emxholweni.
- Isiphelo sichaneke.
- Igama lombhali malivele.

[30]

**AMANQAKU ECANDELO B: 30**

**ICANDELO C: UMHLATHI OMFUTSHANE****UMBUZO 3****3.1 SIMEMO**

Bhala isimemo somtshato kasisi wakho.

- Umfundi makasebenzise irejista echanekileyo.
- Makaxele injongo yesimemo.
- Makabhale ixesha, indawo, umhla nonxibelelwano.
- RSVP (Umntu emakuphendulwe kuye).
- Angabhala ibinzana eliza kutsala umdla wabantu abaza kufunda isimemo.
- Ulwimi olungekho sikweni lungasetyenziswa.

**[20]****3.2 IPOSIKHADI**

Bhalela umalume wakho iposikhadi umnqwenelele uhambo oluhle njengoko esiya eMauritius.

- Igama nedilesi yombhalelwa kwicala lasekunene.
- Umyalezo ekhohlo, phambi kokungena kumyalezo makabhale indawo abhala ekuyo nomhla.
- Ulwimi olungekho sikweni lwamkelekile.
- Isiphelo esifanelekileyo.

**[20]****3.3 UMYALELO**

Bhalela umhlobo wakho umyalelo wokwenza isibhengezo-ntengiso

- Imiyalelo mayicace.
- Umfundi asebenzise isiyaleli ubukhulu becala imo evumayo.
- Imo elandulayo ingasetyenziswa kodwa hayi kakhulu.

**[20]**

**AMANQAKU ECANDELO C: 20**  
**AMANQAKU EWONKE: 100**

## 6.1 ISIHLOMELO A: RUBRIKI YOKUHLOLA IZINCOKO [50 AMANQAKU]: ULWIMI LOKUQALA OLONGEZELELWEYO QAPHELA:

- Sebenzisa le rubriki rhoqo xa umakisha izincoko (Zephepha lesi-3, ICANDELO A).
- Amanqaku ukusukela kweli-0 ukuya kwangama-50 ahlulahlulwe ngokwamanqanaba amahlanu aphambili.
- Kwiikhrayitheriya yoMxholo, ULwimi NeSimbo, inqanaba ngalinye kula mahlanu lahlulahlulwe lanomgangatho ongentla nongezantsi yanemimandla yamanqaku ahambelana nomgangatho ngamnye.
- Ikhayitheriya yeSakhiwo yona ayichaphazeleki ngumgangatho ongentla nongezantsi.

### IRUBRIKI YOKUHLOLA IZINCOKO [50 AMANQAKU]

Ikhayitheriya		Balaseleyo 27–30	Enobuchule 22–23	Phakathi 15–17	Buthathaka 9–11	Bubhetyebhetye 3–5
<b>UMXHOLO NOCWANGCISO</b>  (Impendulo nezimvo) Ukubekela izimvo ngenjongo yokucwangcisa Ukubonakalisa ukuyazi injongo, abantu ekujoliswe kubo kunye nemeko  <b>30 AMANQAKU</b>	<b>Umgangatho ongentla</b>	-Impendulo ebalaseleyo enomtsalane, ngaphaya kobekulindelekile -Izimvo zihlakaniphile, zixhokonxa iingcinga kwaye zinemfezeko -Isincoko sibekelwe ngobuchule obungaqhelekanga kwaye intshayelelo, isiqu kwakunye nesiphelo zibonakalisa unamathelwano olunemfezeko	-Impendulo ixonxwe ngobugcisa obukhulu -Izimvo zinxulumene nomxholo kwaye zinika umdla, bukho ubungqina bemfezeko kwizimvo -lingcamango zibekelwe ngokwakhelanyayo kuquka intshayelelo, isiqu nesiphelo	-Impendulo iyanelisa ngokupheleleyo -Izimvo ziyamathelana noko kwaye zingakuguqula ukucinga kofundayo -lingcamango zibekelwe ngokunamathelanyayo kuquka intshayelelo, isiqu nesiphelo	-Impendulo ingena iphuma emxholweni akukho lunamathelwano kwizimvo -Izimvo azicacanga kwaye ezinye zazo zezemboleko -Buncinci kakhulu ubungqina bobekelwano nonamathelwano lweengcamango	-Impendulo ayikho mxholweni konke konke -Izimvo zibondene azigqalanga ntweni -Azivakali izimvo kwaye ziyaphindaphindwa/ uthetha into enye -lingcamango zibekwe xazalala azinalunxibelelwano
	<b>Umgangatho ongezantsi</b>	-Impendulo encamisileyo kodwa akukho zimpawu zakubalaselela kubhekele phi kwisincoko -Izimvo zivuthiwe zixhokonxa iingcinga -lingcamango zibekelwe zandindaniswa ngobugcisa kuquka intshayelelo, isiqu kunye nesiphelo	-Impendulo ixonxwe ngobugcisa -Izimvo zisemxholweni kwaye zinika umdla -Sibekelwe ngobuchule, kukho ukunamathelana kweengcamango okuquka intshayelelo, isiqu nesiphelo	-Impendulo iyanelisa nangona kumana kubakho ukungacaci kwiindawo ezithile -Kukho ukunamathelana okubonakalayo kwizimvo kwaye kuyanelisa -Kukho ukubekelwa kweengcamango nonamathelwano kwintshayelelo, isiqu nesiphelo	-Impendulo iphumile emxholweni ubukhulu becala -Izimvo ziyaqhawu-qhawuka ziyabhidisa -Buyanqaphazeka ubungqina bokubekelwano kweengcamango nonamathelwano	-Impendulo itenxile malunga nomxholo -Izimvo zitenxile zingcwecwela kude nomxholo -lingcamango ziyingxubevange engenamgqalisela



## IRUBRIKI YOKUHLOLA IZINCOKO [50 AMANQAKU] (continued)

Ikhrayitheriya		Balaseleyo	Enobuchule	Phakathi	Buthathaka	Bubhetyebhetye
		14–15	10–11	6–7	2–3	0
<p><b>ULWIMI, ISIMBO SOKUBHALA NOKUHLELA</b></p> <p>Ukuhambelana kwethoni, irejista, isimbo, isigama kunye nemeko Ukhetho-magama Ukusetyenziswa kolwimi nesigama limpawu zobhalo, izakhi zezivakalisi, nopelo</p> <p><b>15 AMANQAKU</b></p>	<p>Umgangatho ongentia</p>	<p>-Ithoni, irejista, isimbo, isigama zifanelene ngokugqwesileyo nenjongo, abantu ekujoliswe kubo kunye nemeko -Ulwimi lusetyenziswe ngokuzithemba, luyathabathekisa -Ithoni enomtsalane nezafobe zentetho eziphumeza injongo -Phantse kube akukho nasinye isiphene solwakhiwo zivakalisi, upelo nokusetyenziswa kolwimi -Sixonxwe ngobugcisa obukhulu</p>	<p>-Ithoni, irejista, isimbo, isigama zifanelene kakhulu nenjongo, abantu ekujoliswe kubo kunye nemeko -Ulwimi luchaneke ngakumbi kwaye ithoni isetyenziswe ngokuchaneke kwisincoko siphela -Iziphene zokusetyenziswa kolwimi nopelo zinqongophele -Sixonxwe ngobugcisa obukhulu</p>	<p>-Ithoni, irejista, isimbo, isigama sifanelene nenjongo, abantu ekujoliswe kubo kunye nemeko -Ulwimi olufanelekileyo ludlulisa umyalezo -Ithoni ifanelekile -Izafobe zentetho zinonga umxholo</p>	<p>-Ithoni, irejista, isimbo, isigama azifanelananga ncam nenjongo, abantu ekujoliswe kubo kunye nemeko -Ulwimi lusetyenziswa ngendlela ebuthathaka -Ithoni nochongo magama azifanelekanga -Isigama sinqongophele</p>	<p>-Ulwimi aluvakali -Ithoni, irejista, isimbo, isigama asifanelananga kwaphela nenjongo, abantu ekujoliswe kubo kunye nemeko -Ukunqongophala kwesigama kubaxekile kangokuba ayinasihlahla into ebhaliweyo</p>
<p><b>ISAKHIWO</b></p> <p>limpawu zetekisi Ukukhula kwemihlathi nokwakhiwa kwezivakalisi</p> <p><b>5 AMANQAKU</b></p>	<p>Umgangatho ongentia</p>	<p><b>12–13</b> -Ulwimi luchaneke kanye nezafobe zisetyenziswe ngethoni ephumeza ukudlulisa umyalezo -Phantse kube akukho nasinye isiphene solwakhiwo zivakalisi, upelo, nokusetyenziswa kolwimi -Sixonxwe ngobugcisa obukhulu</p>	<p><b>8–9</b> -Ulwimi lunomtsalane kwaye luyaziphumeza iinjongo zokubhala -Ithoni ifanelekile kwaye iyaziphumeza iinjongo zokubhala -Zimbalwa iziphene zezakhi zezivakalisi kunye nopelo -Sixonxwe ngobugcisa</p>	<p><b>4–5</b> -Kuyanelisa ukusetyenziswa kolwimi kodwa asekho amakhwiniba -Ithoni ifanelekile kodwa izafobe zentetho ezisetyenzisiweyo zinqongophele</p>	<p><b>0–1</b> -Ukusetyenziswa kolwimi kubonisa ububhetyebhetye -Izivakalisi zinobuthathaka-azitshintsha-tshintshwa -Isigama sinqongophele ngokubalaseleyo</p>	<p><b>0-1</b> -lingcamango ezifunekayo zinqongophele -Isakhiwo sezivakalisi nesemihlathi sigxoko-gxoko -Isincoko asinangqiqo</p>
<p><b>UMMANDLA WAMANQAKU</b></p>		<p><b>40–50</b></p>	<p><b>30–39</b></p>	<p><b>20–29</b></p>	<p><b>10–19</b></p>	<p><b>0–9</b></p>

## 6.2 ISIHLOMELO B: IRUBRIKI YOKUHLOLA IMIHLATHI EMIDE ULWIMI LOKUQALA OLONGEZELELWEYO [30 AMANQAKU]

<b>Ikhrayitheriya</b>	<b>Balaseleyo</b> <b>16–18</b>	<b>Enobuchule</b> <b>13–15</b>	<b>Phakathi</b> <b>9–12</b>	<b>Buthathaka</b> <b>6–8</b>	<b>Bubhetyebhetye</b> <b>0–5</b>
<b>UMXHOLO, UCWANGCISO NEFOMATHI</b>  Ukungqala kwempendulo nezimvo Ukuqoqwa kwezimvo ngenjongo yokucwangcisa Injongo yokubhala, abo kujoliswe kubo, iimpawu/imigaqo yetekisi, kunye nemeko  <b>18 AMANQAKU</b>	-Impendulo igqwesile idlule okuqhelekileyo -Izimvo ziqiqisisiwe kwaye zivuthiwe -Luphangalele ulwazi lweempawu zolu didi lwetekisi -Umsebenzi ungqalile uhleli emxholweni -Kukho ukunamathelana kwizimvo nomxholo -lingcamango zidakancwe ngobunono zonke iinkcukacha zixhasa isihloko -Ifomathi ifanelekile kwaye ichanekile	-Impendulo ibonakalisa ukuchaneka kanobom ulwazi olunzulu lweempawu zolu didi lwetekisi -Ingqalile ayiphumi nasemxholweni -Izimvo zixonxwe zadakancwa ngokunamatheleneyo kumxholo nezimvo -Iinkcukacha zixhasa isihloko -Ifomathi ifanelekile ineendawana ezingachanekanga ezingephi	-Impendulo iyanelisa ibonakalisa ulwazi lweempawu zolu didi lwetekisi -Izimvo ziyaphuma emxholweni kwaye kukho nokugqwidiza -Ukunamathelana kumxholo nezimvo kufanelekile -Ezinye iinkcukacha zixhasa isihloko -Ifomathi ifanelekile kodwa kusekho ukungachaneki	-Impendulo ibonakalisa ulwazi olungephi lweempawu zolu didi lwetekisi -Zimbalwa izimvo ezisemxholweni kodwa kuninzi ukuphuma ecaleni -Kunqabile ukunamathelana komxholo nezimvo -Zimbalwa iinkcukacha ezixhasa isihloko -Imigaqo yefomathi ephambili isetyenziswe ngokungaqondi -Kutyeshelwe izinto ezininzi	-Impendulo ibonakalisa ukunqongophala kolwazi lweempawu zolu didi lwetekisi -Intsingiselo ilahleka rhoqo ide iphume emxholweni -Akukho ukunamathelana kumxholo nezimvo -Zimbalwa kakhulu iinkcukacha ezixhasa isihloko -Imigaqo eyimfuneko yobhalo lwale tekisi ityeshelwe
<b>ULWIMI ISIMBO SOKUBHALA NOKUHLELA</b>  Ithoni, irejista, isimbo, injongo/ifuhe, abo kujoliswe kubo kunye nemeko Ukusetyenziswa kolwimi nemigaqo Uchongo magama limpawu zokubhala kunye nopelo  <b>12 AMANQAKU</b>	<b>10–12</b> -Ithoni, irejista, isimbo, isigama zihambelana kakhulu nenjongo nabo kujoliswe kubo kunye nemeko -Izakhi zezivakalisi zisetyenziswe ngokuchanekileyo -Phantse kube akukho nasinye isiphene	<b>8–9</b> -Ithoni, irejista, isimbo, isigama sichaneke kakhulu malunga nenjongo, abantu ekujoliswe kubo kunye nemeko -Izakhi zezivakalisi zichanekile kwaye umyalezo wakheke kakuhle -Isigama sichanekile -Ubukhulu becala akukho zimpazamo	<b>6–7</b> -Ithoni, irejista, isimbo, isigama sihambelana nenjongo, abantu ekujoliswe kubo kwakunye nemeko -Izakhi zezivakalisi zibonakalisa iimposiso -Isigama siyanelisa -Iimpazamo zobhalo ezikhoyo aziyiphazamisi intsingiselo nomyalezo	<b>4–5</b> -Ithoni, irejista, isimbo, nesigama azingqamani nenjongo kwakunye nabantu ekujoliswe kubo kunye nemeko -Izakhi zezivakalisi zineemposiso ezininzi eziphazamisa umyalezo -Sinqongophele isigama -Kukho amagingxi-gingxi kwintsingiselo	<b>0–3</b> -Ithoni, irejista, isimbo, nesigama azingqamani nenjongo, imeko kwakunye nabantu ekujoliswe kubo -Izele ziimpazamo ixazalala -Isigama asifanelananga nenjongo -Intsingiselo ilahleke kakhulu
<b>UMMANDLA WAMANQAKU</b>	<b>24–30</b>	<b>18–23</b>	<b>14–17</b>	<b>6–13</b>	<b>0–5</b>

### 6.3 ISIHLOMELO C: IRUBRIKI YOKUHLOLA IMIHLATHI EMIFUTSHANE ULWIMI LOKUQALA OLONGEZELELWEYO [20 AMANQAKU]

Ikhayitheriya	Balaseleyo	Enobuchule	Phakathi	Buthathaka	Bubhetyebhetye
	9–12	7–8	5–6	3–4	0–2
<b>UMXHOLO UKUCWANGCISA NEFOMATHI</b>  Impendulo nezimvo Ukubekelwa kwezimvo Iimpawu zetekisi/ umgaqo kunye nemeko  <b>12 AMANQAKU</b>	-Impendulo igqwesile ibonisa ukuqigqiswa kwezimvo -Izimvo zihlakaniphile kwaye zivuthiwe -Luphangalele ulwazi Iimpawu zolu didi lwetekisi -Umsebenzi ungqalile akukho kugqwidiza -Kubonakala ukunamathelana kwizimvo nomxholo -lingcamango zidakancwe ngobunono kwaye zonke iinkcukacha zixhasa isihloko -Ifomathi ifanelekile kwaye ichanekile	-Impendulo ibonakalisa ukuchaneka kanobom ulwazi olunzulu lweempawu zolu didi lwetekisi -Ingqalile ayiphumi nasemxholweni -Izimvo zixonxwe zadakancwa ngokunamatheleneyo kumxholo nezimvo -Iinkcukacha zixhasa isihloko -Ifomathi ingqalile iindawana ezikhoyo ezingachanekanga aziyiphazamisi injongo yokubhala	-Impendulo iyanelisa ibonakalisa ulwazi lweempawu zolu didi lwetekisi -Izimvo azisoloko zisemxholweni kwaye kukho nokugqwidiza -Ukunamathelana kumxholo nezimvo.kwenzeka ngokufanelekileyo -Ezinye iinkcukacha zixhasa isihloko -Ifomathi ingqalile kodwa zikho iindawana ezingachanekanga	-Kubonakala ubunzima malunga nolwazi lweempawu zolu didi lwetekisi -Zimbalwa izimvo ezisemxholweni kodwa kuninzi ukuphuma ecaleni -Kunqabile ukunamathelana kumxholo nezimvo -Zimbalwa iinkcukacha ezixhasa isihloko -Imigaqo yefomathi ephambili ityeshelwe okanye isetyenziswe ngokungaqondi	-Impendulo ibonakalisa ukunqongophala kolwazi lweempawu zolu didi lwetekisi -Intsingiselo ilahleka rhoqo kukho Intsingiselo iduke kwisakhiwo esixazalala -Akukho ukunamathelana kumxholo nezimvo -Zimbalwa kakhulu iinkcukacha ezixhasa isihloko -Imigaqo eyimfuneko yobhalo lwale tekisi ityeshelwe
	7–8	5–6	4	3	0–2
<b>ULWIMI, ISIMBO NOKUHLELA</b>  Ithoni, irejista, isimbo, nesigama singqamene nenjongo kunye nemeko Ukusetyenziswa kolwimi nemigaqo Ukhetho- magama Iimpawu zokubhala kunye nopelo  <b>8 AMANQAKU</b>	-Ithoni, irejista, isimbo, isigama zifanelene kakhulu nenjongo, abo kujoliswe kubo kunye nemeko -Izakhi zezivakalisi zisetyenziswe ngokuchanekileyo -Phantse kube akukho nasinye isiphene	-Ithoni, irejista, isimbo, nesigama sifanelene kakhulu nenjongo, abantu ekujoliswe kubo kunye nemeko -Izakhi zezivakalisi zichanekile kwaye umyalezo wakheke kakuhle -Isigama sichanekile -Ubukhulu becala azikho iimpazamo	-Ithoni, irejista, isimbo, isigama sifanelene nenjongo, abantu ekujoliswe kubo kwakunye nemeko -Izakhi zezivakalisi zibonakalisa iimposiso -Isigama siyanelisa -Iimpazamo zobhalo ezikhoyo aziyiphazamisi intsingiselo	-Ithoni, irejista, isimbo, nesigama azifanelananga nenjongo, abantu ekujoliswe kubo kunye nemeko -Izakhi zezivakalisi zineemposiso ezininzi eziphazamisa umyalezo -Sinqongophele isigama -Kukho amagingxi-gingxi kwintsingiselo	-Ithoni, irejista, isimbo, nesigama azifanelananga nenjongo, imeko kwakunye nabantu ekujoliswe kubo -Izele ziimpazamo ixazalala iyadida -Isigama asihambelani nenjongo -Intsingiselo ilahlekile kakhulu
<b>UMMANDLA WAMANQAKU</b>	16–20	13–15	9–12	6–8	0–5